



## RELATÓRIU TRIMESTRÁL FUNDU MINA-RAI NIA

Trimestre ne'ebé termina iha 31 Marsu 2013

### KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Tolu nulu resin ida ba trimestre ne'ebé termina iha loron 31 Marsu 2013. Relatoriu ne'e hatudu katak kapitál Fundu nian sa'e ba \$12,98 bilaun kompara ho \$11,78 bilaun iha fim Dezembru 2012.

Relatóriu ne'e mós hatudu katak totál reseitas mak simu durante trimestre ne'e hamutuk milaun \$946,12 ne'ebé kompostu hosi kontribuisaun kontribuinte sira ba Fundu hamutuk milaun \$ 377,88, pagamentu *royalty (rai tén)* simu hosi Autoridade Nasionál Petróleu (ANP) milaun \$559,97 no pagamentu hosi reseitas seluk hamutuk milaun \$8,29.

Rendimentu hosi investimentu Fundu nian hamutuk milaun \$265 durante trimestre ne'e kompostu hosi, kupaun no jurus ne'ebé simu mak milaun \$57,80 no mudansa iha valór merkadu nian milaun \$208.82. Ne'e rezulta rendimentu ba karteira Fundu nian durante trimestre ne'e 2,18%, enkuantu rendimentu sasukat (*benchmark*) nian ba periodu ne'e mak 2,07%. Rendimentu karteira durante trimestre ne'e mak 0,11% boot liu rendimentu sasukat (*benchmark*) nian.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Haktuir ba decizaun Ministra Finansas atu aumenta investimentu iha asoens (equities), gestores esternu ba asoens nia mandatu aumenta gradualmente no atinji tiha ona 28% asoens iha Marsu 2013.

Haktuir akordu gestaun ne'ebe asina iha Febereiru 2013 ho Black Rock Investment Management (Australia) limited nudar gestor esterna ba mandatu Indese global asoens nian, Black Rock nia mandatu implimenta iha medio fulan Febereiru 2013.

Mandatu ne'ebe fo ba BIS mak atu gere uniku US Treasury indece tinan 5-10 nian ho karateristika risku no retornu ne'ebe hanesan mak atu dezempeña liu referencia (*benchmark*) no mantein *ex ante tracking error* iha Pontu baze 100 nia laran.

Mandatu ne'ebé fó ba Schrodgers mak atu jere portofoliu iha maneira *enhanced passive indexing* no mantein *tracking error* ida-ne'ebé relativa ba sasukat ne'ebé normalmente laliu hosi pontu baze 100, ho diferensa pezu ne'ebé mantein iha 0,5% (nivel asoens) no 2,5% (iha nivel nasaun no seitor). Laiha tempu ida mak *tracking error ex-ante* bele liuhosi pontu base 150.

---

#### BANCO CENTRAL DE TIMOR-LESTE

Avenida Bispo Medeiros  
P.O.BOX 59 - DILI  
TIMOR-LESTE

T: +670 331 371 2 / 4 / 5 / 8  
F: +670 331 371 3 / 6 / 7  
E: info(at)bancocentral.tl

Mandatu ne'ebe fo ba SSgA katak atu gere portofoliu ho *passive indexing ho objetivu atu mantein besik iha sasukat (Benchmark)*, depois taxa no kustus no mantein iha *ex-ante tracking error relativa ba benchmark* ne'ebe normalmente la liu hosi 35 pontu baze.

Banco Central de Timor-Leste jere ona portofoliu besik liu ho pontu referensia iha trimestre dala 31 dahuluk. Diferensia entre portofoliu no pontu referensia hahú hosi inísiu fundus nian mak pontu baze 1.

Pontu importante hosi Relatóriu Trimestre ba dala XXXI, ne'ebé kobre período 1 Janeiru to'o 31 Marsu 2013, inklui:

- Kapital Fundus nian aumenta hosi US\$11,78 bilaun ba US\$12,98 bilaun.
- Osan kontadu brutu fundus nian tama hosi kontribuisaun kontribuinte no rai-tén (royalties) hamutuk milaun US\$946,13.
- Osan kontadu liquidu nebe sai hosi Fundu durante trimestre ne'e mak milaun US\$ 2,76 hanesan gastus hodi kobre kustu ba jestaun external no internal ninian.
- Durante trimester ne'e laiha tranferensia hosi Fundu Mina-Rai ba Osamentu Geral Estadu
- Reseitas likidus durante trimester ne'e hamutuk milaun US\$ 943,37.
- Rendimentu portofoliu iha periodu ne'e mak 2,18% kompara ho rendimentu sasukat nian iha trimestre ne'e mak 2,07%.
- Rendimentu investimentu durante trimestre ne'e mak milaun \$265 kompostu taxa hosi jurus nian milaun \$57,80 no alterasaun valor merkadu nian mak milaun \$208,82.
- Saldo balansu ikus hamutuk \$12,98 bilaun.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor- Leste [www.bancocentral.tl](http://www.bancocentral.tl)

Ba informasaun adisionál bele hetan hosi:

Fernando da Silva Carvalho

Diretor Ezekutivu Interino

Korreiu-Eletróniku: [venancio.maria\(at\)bancocentral.tl](mailto:venancio.maria(at)bancocentral.tl)

Telefone: + (670) 3313718

Dili, 10 Maiu 2013